



SAKSFRAMLEGG

Sakshandsamar: Meline Heimdal Haugland	Arkivkode:
Arkivsaksnr: 21/414	Løpenr: 21/9458
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	02.12.2021	119/2021

Kommunal eigenandel i tre-årig LivOGLyst-prosjekt

02.12.2021 Kommunestyret:

Handsaming i møtet:

Rådmannen sitt framlegg til vedtak vart samrøystes vedteke.

KS- 119/2021 Vedtak:

Samnanger kommune innvilgar kr 30 000 per år til treårig LivOGLyst-prosjekt.

Rådmannen sitt framlegg til vedtak:

Samnanger kommune innvilgar kr 30 000 per år til treårig LivOGLyst-prosjekt.

Dokument som ikkje er vedlagt:

[LivOGLyst-prosjekt samla for å inspirere kvarandre - Vestland fylkeskommune](#)

Søkarhefte for LivOGLyst-prosjekt

Kva saka gjeld:

LivOGLyst-programmet er ei lokalsamfunnsatsing i regi av Vestland fylkeskommune, kor målet er å utvikla attraktivitet gjennom brei deltaking. Programmet er for lag og organisasjonar som ønsker å utvikla tiltak i bygder og lokalsamfunn som styrker samhald, lokal identitet, næringsliv og bulyst.

Lag og organisasjonar står som prosjekteigar, men det er forventa at kommunen er ein aktiv støttespelar i programmet.

Det første året er formålet å kartlegga behov og involvera lokalsamfunnet i kva for prosjekt som kan vera aktuelle i bygda. Dei neste tre åra skal prosjekta settast ut i livet. Det følger med rettleiing, kurs, pengar og høve til å skapa seg nettverk når ein deltek i programmet.

Samnanger Lokalsamfunnsforeining fekk i 2021 bli med i forprosjektet som vara i eitt år. Samnanger var ein blant fire andre utvalde deltakarkommunar. Frivilligsentralen har vore med som støttespelar frå kommunen. I forprosjektet har foreininga mobilisert innbyggjarane, ved å ha både fysiske samlingar og digitale spørjeundersøkingar. Pandemien har gjort det vanskeleg å gjennomføra så

mange fysiske samlingar som planlagt, og det har difor vore vanskelegare å mobilisera enn normalt. Tilbakemeldinga frå fylkeskommunen er at dei likevel har jobba godt dette året. Det er blant anna blitt arrangert idémyldring, både utandørs og innandørs. I tillegg har ønska til innbyggjarane vorte kartlagt både via spørjeskjema og meningsmåling på Facebook.

Lokalsamfunnsforeininga har no søkt om å få bli med i det treårige hovudprosjektet.

I hovudprosjektet har ein fokus på sette ønska til innbyggjarane ut i livet. Her innvilgar fylkeskommunen kr 100 000 per år i tre år. Kriteriet for dette er at kommunen også går inn med midlar, som tilsvarar kr 30 000 per år i tre år. Det er gjeve signal frå fylkeskommunen om at Samnanger mest sannsynleg får bli med i det treårige hovudprosjektet. Skriftleg svar på dette blir gjeve i løpet av desember 2021.

Vurderingar og konsekvensar:

Målet med satsinga er å skapa trygge og levande lokalsamfunn for framtida, og er meir enn eit kortvarig prosjekt. Hovudmålet er at LivOGLyst-tankegangen blir varig i lokalsamfunnet. I mange lokalsamfunn set satsinga gode og varige spor etter seg. Kommunar som får vera med i LivOGLyst-prosjekt opplever god utvikling. Utvikling som er tufta på innbyggjarane sine ønskje og behov, og det er gjerne her suksessoppskrifta ligg.

Samnanger er ein liten kommune med stort potensiale. I forprosjektet er det kome mange gode innspel, og dei det er størst engasjement rundt, vil verta arbeida vidare med i hovudprosjektet. Det er mange som ønsker utvikling, og det finst mange ressursar her. Dette prosjektet mobiliserer og inkluderer innbyggjarane på ein heilt særeigen måte, noko som aukar moglegheita til å få ting til.

Det å vera med på eit LivOGLyst-program, opnar også fleire dører i forhold til støtteordningar, og moglegheita for å få tildelt midlar. I 2021 fekk kommunen tildelt kr 400 000 til tettstadsutvikling frå fylkeskommunen, og i vurderinga til denne tildelinga vart deltaking i LivOGLyst-prosjektet sett på som ein stor fordel. Frivillige lag har også allereie søkt- og fått midlar til nokon av prosjekta som er ønska av innbyggjarane, t.d. utetreningssapparat. Nokon av prosjekta kan difor allereie settast i gong i løpet av 2022.

I prosjektet arbeidar kommunen og innbyggjarane saman om felles mål, og har samtidig god støtte frå fylkeskommunen og statsforvaltaren i prosessen. Å vera med i det treårige LivOGLyst-prosjektet vil auka moglegheita for at Samnanger kan få varige, gode endringar i lokalsamfunnet.